

**ZENIČKO-DOBOJSKI KANTON**  
**Komisija za javno-privatno partnerstvo**

---

**ZENIČKO – DOBOJSKI KANTON**  
**MINISARTSTVIMA**  
**OPĆINAMA**

N/r Ministra  
N/r Načelnik/ica

Zenica, 15.05.2015. godine

Vaš znak:

Naš znak: 04-34-14335-10/14

**Predmet:** Poziv za saradnju i konsultacije u izradi podzakonskih akata JPP-a, dostavlja se

Poštovani,

Shodno nadležnostima Komisije za javno-privatno partnerstvo Zeničko-dobojskog kantona (Komisija za JPP) iz člana 25. Zakona o javno-privatnom partnerstvu („Službene novine Zeničko-dobojskog kantona“ broj: 5/13), pozivamo vas na saradnju i konsultacije u izradi propisa o javno-privatnom partnerstvu, a u cilju unapređenja primjene modela javno-privatnog partnerstva (dalje: JPP) u Zeničko-dobojskom kantonu.

Strategijom razvoja Zeničko-dobojskog kantona do 2020. godine, model JPP-a je prepoznat kao jedan od načina ne samo za unapređenje javnih usluga, već i za podsticanje ekonomskog razvoja kantona u cjelini, a naročito lokalnih zajednica. U skladu sa tako postavljenim strateškim odrednicama, Komisija za JPP je intenzivirala aktivnosti na stvaranju pretpostavki za što efikasniju primjenu Zakona o javno-privatnom partnerstvu. Jedna od ključnih aktivnosti je priprema podzakonskih akata.

U prilogu je ilustracija procesa pripreme JPP projekata, ukoliko bi se usvojili podzakonski akti, a koji su u formi radne verzije dostupni na internet stranici Vlade Zeničko-dobojskog kantona. U skladu s tim, trajanje procesa od JPP projektne ideje preko pripreme projektne dokumentacije (barem idejnog projekta) i JPP studije izvodljivosti do ugovora sa privatnim partnerom je oko dvije godine, ovisno o stepenu zahtjevnosti samog projekta, raspoloživosti finansijskih sredstava za projektnu dokumentaciju i studiju te stručnih kapaciteta javnog partnera iz oblasti JPP.

Komisija za JPP smatra da potencijalni javni partneri u Zeničko-dobojskom kantonu, uključujući jedinice lokalne samouprave, mogu značajno da doprinesu pripremi uredbi koje će olakšati korištenje JPP modela, a ne pretvoriti ga u nedostižan mehanizam ekonomskog razvoja kroz zamoran administrativni proces.

Ukoliko ste zainteresovani za primjenu modela JPP u skorijoj budućnosti, pozivamo Vas da se uključite u ovaj proces konsultacija vezano za izradu podzakonskih akata JPP-a i date

nam svoje mišljenje i konkretne prijedloge za izmjenu i/ili dopunu objavljenih radnih verzija akata.

Takođe, na internet stranici je objavljen i Zakon o javno-privatnom partnerstvu i u slučaju da imate ideje o potrebi izmjene i dopune važećeg Zakona možete pokrenuti inicijativu sa istim ciljem – olakšati primjenu modela JPP radi unapređenja ekonomskog razvoja Zeničko-dobojskog kantona.

Zakon o javno-privatnom partnerstvu i radne verzije podzakonskih akata možete preuzeti sa internet stranice Vlade Zeničko-dobojskog kantona – Ministarstvo za privredu – Komisija za JPP.

Molimo da sugestije dostavite gđi Dženiti Hrgić, Sekretaru Komisije za javno-privatno partnerstvo Zeničko-dobojskog kantona, putem email-a [min.privreda@zdk.ba](mailto:min.privreda@zdk.ba) do **15.06.2015. godine.**

S poštovanjem,

Prilog – kao u tekstu

**Predsjednik Komisije**  
  
**Osman Buza**  


**Dostavljeno:**

1x svim ministarstvima Zeničko-dobojskog kantona

1x svim općinama na području Zeničko-dobojskog kantona

1x a/a

**ZENIČKO-DOBOJSKI KANTON**  
**Komisija za javno-privatno partnerstvo**

---

**MINISTARSTVIMA**  
- ovdje -

Zenica, 15.05.2015. godine

Vaš znak:

Naš znak: 04-34-14335-10-1/14

**Predmet:** Poziv za saradnju i konsultacije u izradi podzakonskih akata, dostavlja se

U cilju unapređenja primjene modela javno-privatnog partnerstva u Zeničko-dobojskom kantonu uputili smo vam akt "Poziv za saradnju i konsultacije u izradi podzakonskih akata", broj: 04-34-14335-10/14 od 15.05.2015. godine. Molimo da navedeni akt proslijedite i institucijama koje su nadležnosti vašeg ministarstva.

S poštovanjem,

**Dostavljeno:**

1x svim ministarstvima Zeničko-dobojskog kantona  
1x a/a



**Predsjednik Komisije**

**Osman Buza**